

در سعادتده باب عالی جاده سنده
اداره مخصوصه

محل اداره :

مسئله حقوق

دین ، فلسفه ، ادبیات ، حقوق و علوم دین باحث هفته لوق رساله در

مسئله کوزه موافق آثار جدید مع المنوی
قبول اولونور
درج ایدیه بن آثار اعاده اولونور

اخطار :

مؤسسه : ابوالعلا زین العابدین - ح . اشرف ادیب

در سعادتده نسخه سی ۵۰ باره در

سنه لکی	القی آیللی	در سعادتده
۶۰	۳۰	ولایاتده
۸۰	۴۰	ممالک اجنبیه ده
۸۰	۴۰	

تاریخ تأسیسی

۱۰ تموز ۳۲۴

قبراه دن مقوا بورو ایله کوندر بلیرسه سنوی
۲۰ غروش فضله آلنیر

در سعادتده پوسته ایله کوندر بلیرسه ولایات بدلی اخذ اولونور

عدد : ۴۷

۱۲ رجب ۳۲۷ پنجشنبه ۱۶ تموز ۳۲۵

ایکینچی جلد

کلام الملوك ملوك الکلام

عید ملی عثمانیک سنه دوریه سنی تبریک و تهنیت و بوسیله ایله تأیید و روابط صداقت ایچون جمعه کونی حضور حضرت خلافتیناهیده نائل عز مشول اولان بر هیئت محترمه نیک (طابین) رفیق مزده خلاصه مندرج بولان صورت ملاقاتی رساله مزه مخصوص اولوق اوزره تفصیلاً تحریر و اهدا اولمغله مع الافتخار کمال شکران ایله درجه مسارعت اولونور :

تموزک اوننه مصادف اولان بو [جمعه] نه مبارک برکون ایدی اللهم که ده کجه سنک ظلامی بیله انوار رحمت الهیه نیک سریانی استعدا ایدن بر رونق مافوق الطبیعه ایله تابدار و بویله بر کجه نیک سحر نده البته یک چوق خیرلر اوموله جفته [رغائب] بر براءت استهلال ایدی .

حسرت لطیفه سی آفاق غریبه یه قدر انعکاس ایدن بر فجر صادقی تعقیب ایدرک ییلدیزلری منخسف ایدن خورشید شمشعه دار، بر سنه اول عینی کونده مفارق امته اشعه پاش اولان شمش حریت کی پرتونشار اولمغه باشلانجه محیط دار الخلافه ده بر غلیان سرور و سعادت رونمون اولدی : هر یرده امت اسلامیه و ملت عثمانیه مشروطیت مشروعه لرینیک کافل حقیقیسی اولان قانون اساسی بی استرداد ایتدکری یوم مبعجلاک سنه دوریه سی شناسکرینه ترجمان حسیاتلری اولان تظاهرات کونا کون ایله اشتراک ایتدکری کی بوراده ده طرز مشروع سلطنتک پادشاه اولی اولان خلیفه ذیشان سلطان محمد خان خامس حضرتلری اردوی هایونلرینه شمدی یه قدر امثالی کورلیان بر رسم کجید اجرا ایتدیره رک بو کتله معظمه حماس و شجاعتک بغی و استبداده قارشو سیف مسلول مهابت اولدیغنی اظهار بیوردیلر . اوکون ذات شوکتسمات پادشاهی صلاة جمعه یی بالادا استجلاب رضای باری یه متابرتدن صکره لطفاً

وتنزلاً حضور فائض النور خلافتیناهیلرینه قبول بیوریلان بر هیئت آره سنده بو عید عاجزده بولندم . بزاوکون بر حسن قبل الوقوعک الجاسیله سرای هایونه ، متحسر دیداری اولدیغمز محترم ، معزز بر پدرک خاکپایه یوز سورمک آرزو و اشتیاقیله کیدیوردق نرده او انسانی انسانلغدن متفر ، موجودیتندن مأیوس براقان ماضینیک صنادیدی . نرده او یالیزلی دیوارلری ایچنه مایونارجه خلقتک حقوق طبعیه سنی کومن ، امنیت ، حسن ظن و نیت و خلوص و صمیمیت کی معالی یه ممکن دکل محل دخول اوله میان سرایلرکاشانه لر . الحمدلله ایشه اونلر بشریتده بو اوصاف برکزیده یی معدوم فرض ایدنلر کی منسی و منعدم اولدی اوکندن کچرکن باشمزی چوریمکه مجبور اولدیغمز اماکنه بوکون کمال ابتهاج و اشتیاق ایله کیره بیلیوروز . بن بوراده سوکیلی پادشاه مزه مقرا اولان سرای هایونک مزینات نظر فریبندن بحث ایده جک دکل . بر چوق محتشم صالونلر ، اوطه لر طبعی الوجود شیلردر . بنم الک زیاده نظر دقتی جاب ایدن نقطه محیط جناب پادشاهیده کی صفوت و مراسمده کی سادگی در . خلافت مقدسه اسلامیه ایله سلطنت معظمه عثمانیه نیک قوای عمومیه سی شخصیت مغویه سنده تمرکز ایدن بر پادشاهک شو عصر مدنیتده معذور و مقبول کوریله بیله جک درجه ده مدبب بر محیطی اوله بیله جکنه قانع اولدیغم حالده تأمین ایدرم که سرای معالی حکمرانیده غبطه بخش امثال اوله جق بر سادهلک و فقط زائره همه حال حس حرمت تلقین ایده جک بر صفوت و صمیمیت محسوس و نمایان ایدی بناء علیه هنوز نائل شرف منول اولمازدن اول حکم ایتدم که ذات حضرت پادشاه ذوق سلطنتی سیم وزرله تدارکی قابل اولان دبده و دارات ایله دکل قلوب امتده یر طوته جق ملتک باعث فیض

وسعادت اوله جق آمال و افعال ايله قائم بیلورلر. و شیم فاروقیلرندن هر کون بر دلیل نوین اراهه سیله امنیه مقدسه لرینک بو امتک تعالی و رقیسندن عبارت اولدیغنی همه آن اظهار بیوریورلر.

بزات حضرت خلافتیناهی به سرقرین بک افندی دلاتیله ملاقی اولدی. لباسمز نصل ساده و تکلفدن آزاده ایدی ایسه حضرت پادشاه کیله اوله ایدی هیئت قائماً قبول تزلنده بولنان شوکتینه افندمز تعاقب و توالی ایدن التفاتلری بک صمیمی و طبعی بروضع و وقار ايله بذل ایدیور. ومع هذا بزره اصلاً تحمیل منت ایتدک لرینی کویسترن بریاشت فوق العاده ابراز یله ده قلیلری میزی تطمین بیوریورلردی.

هیئتک وظیفه رسمیه سنه تعلق بولنان قیصه و متقابل برر نطقک قائماً تعاطیسنندن صکره ذات هایون ملوکانه شو علوی جمله ايله مکالمه یه دوام بیوردیلر :

عدالت ، مساوات ، اخوت بونلر غایت عالی و کزین کلمه .
لردر بولکله لرک معانیسنه وقوف حاصل اولدجه مملکتده ده سعادت حصولی شبهه سزدر .

ذات حضرت پادشاهی توزیع عدالت ، تأمین مساوات و تأسیس اخوت ايله عثمانیلر آره سنده حقیق بر اتحاد حصول بولهرق کافل حیات و سعادت اولان بوقضایانک ، تمامی ثبوتی خالنده وطن معزز مرکز مظهر ترقی اوله جقنی اشارت بیوردقندن صکره ذات شاهانه لرینجه ده نخبه املاک بوندن عبارت بولندیغنی :

مملکت مزده مشروطیت اساسلری یرلشدجه بتون عثمانیلرک نائل سعادت اوله جق لرینی لطف حقندن تمنی ایدرم .

جمله سیله افهام بیورمشر و اساس مشروطیتک بونقاط مهمه ايله قائم و امر شورا ايله اداره نک فی الحقیقه بو خاک پاک عثمانی ده مسعوداً یاشامق ایچون خلق اولنان افراد ملت آره سنده عدل و مساواتی بالتأمین تأسیس قواعد اخوت ايله حاصل اوله جقنی تکراردن و بونک ایچون لطف باری یه دخالتدن صکره :

او وقت عثمانیلر زوال ناپذیر بر سعادت و استقباله مالک اوله جق لردر .

نتیجه قطعیه سنی بک طبعی و حالاً دخی بوعاقبه بک مشتاق بر وضع ايله بالاستخراج ذات هایونلرنجه حریت و مشروطیتک خلقی و طبعی اولدیغنی

بن خلقه و طبعاً مشروطیت پرور و حرطو غمش برانسانم قوالیه اتیانندن صکره افراد هیئتک منسوب اولدیغنی جمعیت مقدسه بی ایما بیورهرق :

سزلر بو کوزل اساسلری وضعه خدمت ایتدیکنز ، بو خصوصه صداقت کویستردیککنز ایچون شایان تبریکسکنز .

التفاتیه حریت و مشروطیتک تأسیسی اوغورنده مصروف اولان همتک بالطبع کنیدیلرنجه بک قیمتدار اولدیغنی بو تقدیر علوی ايله ده اظهار ایلدکدن ماعدا :

جناب حقده بکا بودوره مشروطیتده پادشاهلق نصیب ایتدی الحمد لله .

جمله سیله ده مظهریت واقعه دن دولایی غیرت الهیه سنی کویستره رک اظهار آثار عدالت ایدن حضرت الله حمد و ثناده بولمشر ماضی مظلمه عائد خاطر اتدن دخی بالطبع تجرید نفس ایدیله مبه رک :

دور استبداد بنی ده ازیور مایوس ایدیور دی جناب حقک تقدیرات الهیه سی بووقته نصیب ایمش .

جمله سی اوله بروضع دیندارانه و متوکلانه ايله صرف و ایراد بیو-رلشدرکه آنی تعقیب ایدن : انشاءه جمله نائل سعادت اولورز جمله دعائیه سی اولسه بوخشوع مهیه تحمل ایتک ضعیف قلبمک کاری دکلدی . مع هذا ذات هایون ملوکانه زمان ادبار واضطبارده نه درجه مشتاق و متحسر حریت اولدق لرینی :

اگر بن دور استبدادده حکمدار اولسه ایدم امین اولکزرکه حریتی ، مشروطیتی کندم اعطا ایده جکدم .

حسب حالیه اعلان بیورمشرلدرکه بمنه الکریم زمان سعد اقتران پادشا-هیلرنده دعائم حریت و مشروطیتک کمال متانتسه قیام بولهرق شکل مشروع حکومتک الی الابد تزلزلدن مصون برر صاتی ده اکتساب ایده جکنی امید ایتکه بوده بر اشارت و بشارتدر .

همان جناب حق عمر و عافیت شاهانه لرینی مزداد بیورسون . ذات هایونلرینک جدأ و حقیقه بوامت مرحومه و ملت نجیه ایچون بر اب مشفق عد اوله جق و حریت و مشروطیت اغورنده ایجاب ایدرسه بالذات نفسلرینی فدا ایلجه بک برخلفه ذیشان و شهنشاه جلیل الشان اولدق لرینه لطفاً بزه نقل و ایراء بیوردق لری شوفرده ده دلیل باهردر :

بوکون حریت ابدیه ته سنده کی آبدنه نک اساسنی وضع ایتدک اوراده طاش و چامور قویدیم صیره ده یورلد یغمی سولیدیلر [خیر

یورولدم ، دکل برطاش قویمق ممکن اولسه ایدی ده بوآبدیه ی کندم قالدیرسه ایدم دیوارلرینی بالذات اورسه ایدم ینه شهدانک

حقنی تماماً ادا ایده مزدک] دیدم . و او صره ده شهدادن بر ایکیسنک اقرباسی غایت کدرلی ایدیلر اغلا یورلردی اونلری

تطمین ایتدم و ایشته بوکونکی مراسم شهیدلریمزک اعلا ی علین-ده کی روحلرینی تطیب ایدیور بناء علیه سز بوجه تله ده شایان

تبریکسکنز دیدم .

بوندن صکره بشکرار مظهر انواع التفات اوله رق عرض وداع ايله قبلریمز موضعنه صیغه میه جق برسوخ چاربتیسی ايله ضربان ایتدیکی حالده سرای هایوندن آیرلدق وکمال سرور وابتهاج ايله حضوراً و غیاباً یکدیگری تبریک و تهنیه ایلدک .

ع.ع.

کسب و تجارت و تأسیس صنایع

نظر اسلامیتده مرغوبیتی

مابعد

(۸) « ان روح القدس [۱] نفث فی روعی ان نفساً ان تموت حتی تستکمل رزقها وان ابطأ عنها فاتقوا اه واجلوا فی الطلب ولا یحملکم استبطاء شیء من الرزق علی ان تطلبوه بمصیة اه فان اه لاینال ما عنده بمعصيته » [۲]

جناب روح القدس یعنی باعث حیات حقیقه ، واسطه فیوضات ربانیه اولان جبریل امین علیه السلام بنم قلب تابنا که فیض بارشادت اولمشدر که هیچ بر نفس بشریه استکمال ارزاق مقدره ایتدیکجه اکیال حیات صوریه ایتمز . هر فردک رزقی ایر ، کج کندیسنه واصل اولور . [رزقک وصولی بلا طلب ولا سبب دخی اوله بیلور . فصل که بعضاً کثرت مساعی ايله برابر مطلوبدن حرمان ترتب ایدر . فقط بوحالک اکیسی ده بالنسبه نادر در . بناءً علیه نه احتمال اوله اعتماداً ترک طلب مشروع اولور ، نه احتمال ثانی خوفله بذل مساعیده تراخی معقول کورولور .] بوحالده دائماً اتقوا اوزره اولوکز ، طلب معیشت بابتنده اجمال واحساندن آیرلمه یکنز . رزقکزدن برشیئک استبطاسی ، آرزو ایتدیککمز آنده عدم وصولی سزی صورت غیر مشروعه ده سبی واستجلا به سائق اولماسون . نزد باریده کی فوز و برکته معصیتله نیلکمز قابل دکلدز . جناب رسالتاب افندمز رزقک مقدر اولمینی بیان بیورملری عقبنده بزی طلب رزقندن ، صرف مساعی ذاتیه دن نهی بیورمیور . بلکه جمله مزه طلبده اجمال ، طلب واقعی امر جمیل و حسن عد اولنه جق صورتده ایقاع ایتمکله کمزی امر ایدیور . [طلبک صورت مشروعه اوزره وقوعی بیع و شرا احکامنی بیلوب شهباتدن توقی ، حبله و احتکار کی شرعاً ممنوع اولان تشبثاتدن افراط حرص و طمعدن محابته برابر منصفانه حرکتله تحقق ایده . بیله جکی امر آشکار در .]

(۹) « الاسواق موائد فمن اتاها اصاب منها » چارشو و بازارلر ، سوق تجارت عد اولنان محللر جناب حقل عبادی ایچون کشاده قلنمش مائده لری منزله سننده در . اورایه وارد ، طلب معیشته جاهد اولانلر نصیدلرینی آلیرلر . [چارشو و بازاره کیتک داد وستاد ايله اشتغال ایتمکدن عبارتدر]

(۱۰) « لان یاخذ احدکم حبله فیحطب علی ظهره خیر من ان

[۱] بروایتده ان الروح الامین وارد اولمشدر . قرآن کریمده ده بوعنوان جلیل ايله جناب جبرائیلدن تعبیر واقعدر : « نزل به الروح » [۲] « نفث » نفخ مراد فی اولوب برنوع اوفله مکدر . ضم رائله « روع » قلب صافی معناسنده در « نفث فی الروح » تعبیری ملک و حیک شخصی کورنیه رک صداسی ایشیدلیه رک القای فیض ایتسنده مستعملدر .

یائی رجلاً اعطاه من فضله فیساله اعطاه او منعه » سزدن بریکز اینی آلوب اودون طاشیمغه کیتمی فضل و غنایه مظهر بر آدمه واروب عرض احتیاج ایتسنندن خیرلیدر . او آدم کرک ایتسه دیکنی ویرسون ، کرک ویرمسون .

(۱۱) « من فتح علی نفسه باباً من السؤال فتح الله علیه سبعین باباً من الفقر » هرکیم التزام تکاسل ایدوب ده کندی نفسنه - ولو لسان حال ايله - باب سؤالی کشاد ایدر سه جناب باری اونک حقنده یتش عدد فقر و احتیاج قابوسی آچار ، قلبی غنای حقیقیدن محروم قلاز .

(۱۲) « ان عیسی عم رأی رجلاً فقال ما تصنع قال اتعبد قال من یعولک قال اخي قال اخوک اعبد منک »

عیسی عم بر رجله ملاقی اولوب نه ايله مشغول اولدیغنی سؤال ایتدی ، عبادتله جوابی آلنجه امر اداره سنی کیمک در عهده ایتدیکنی صور دی ، مخاطب : برادر م دیدی . حضرت عیسی عم : اوله ایه برادرک سندن عابد ایش یعنی سنک معیشتنی تأمین ایتدیکی جهتله اصل عبادتی برادرک ایفا ایدیورمش ، بیوردی .

[بو حدیث شریفدن عبادته حصر اوقاته بار نفقه یی آخر کسنیه تحمیل ایتک امر مقبول اولمادیغنی مستفاد اولمقده در . بوحالده دینی دنیوی بوتون وظائفی اخلال ايله اختیار عطالت وبالعکس مالا یعنی ومنه یات انهماکله کفران نعمت نظر شرعده نه درجه مذموم اوله . جنی وارسته ایضاح عد اولنق لازم کلیر .]

(آثار علماء وحکماء)

(۱) لقمان علیه السلام اوغلونه خطاباً « کسب حلال ايله صاحب یسار اولمغه چالش . چونکه فقیر اولان کیمسه دائماً اوج شینه معروض قالیر . امور دینه سننده خلل ، عقل و درایتده ضعف ، مروتنده نقصان بولونور . بونلردن بشقه ودها مدھش اولمق اوزره بنی نوعنک استخفافی واستحقارینه دوچار اولور . عزت نفسی غائب ایدر . (۲) حضرت عمر الفاروق رضی اه عنه اثنای خطبه ده جماعته خطاباً « یارب! بنی مرزوق ايله دیوبده طلب رزقده تکاسل ایتدیکمز بیلیرسکمز که اوزر کزه کوکدن آلتون و کومش یا غماز بونلره طالب اولان اسبابی تحری ایتملیدر »

(۳) ینه مشارالیه حضرتلری حدیقه سننده آتاج غرسيله مشغول اولدیغنی کوردیکی زمان محمد بن مسلمه نام صحابی به خطاباً « یک بیوک اصابت! بویولده اشتغالاتکزی مشاهده ایتدیکجه غایت مسرور اولیورم . انسان بوسایه ده احتیاجدن وارسته اولور . هم دینی اعلا ، هم شرف ذاتیسی ایفا ایتک ایتسه بن احراز ثروتدن بشقه واسطه بولاماز » بیورمشدر . کلام آخر لرنده ده شویله وارد اولمشدر : « اهل و عیال ایچون مبايعات ، بیع و شرایه دائر معاملات ايله اشتغال ایتاسنده اولک غزاده اثنای حیات قدر شرفلیدر »

تابعین کرامدن ابراهیم نخعی رحمه اه « نزد کزده تاجر صدوق ايله زاهد متعبدکله انکیسی افضلدر » دیه مراجعت ایدنلره جواباً « بنجه تاجر صدوق محافظه استقامتله دها بویوک مجاهده ده بولنمش اوله جفندن مرتبه سی بالاتر در » دیمیشیدی . (حسن بصری حضر تری بورایه مخالفدر)